

中華民國七十六年四月台一版

版權

所有



明版
嘉興大藏經

精裝全四十冊基價一、〇〇〇元正

版藏者 徑山 藏版
發行人 高 本 劍
發行所 新文豐出版股份有限公司

公司：臺北市雙園街九十六號
電話：三〇六〇七五七、三〇八八六二四
門市部：臺北市羅斯福路一段二十號八樓
電話：三四一五二九三、三四一五二九四
台北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號

明版
嘉興大藏經
第一四冊目錄

三 大方廣佛華嚴經綱要八十卷 唐實叉難陀譯 澄觀疏義 明德清提挈……………一

刻慈大師華嚴綱要引……………一

序……………二

卷一 初標部類品會……………三

次釋題目……………四

世主妙嚴品第一之一……………五

世主妙嚴品第一之二……………九

世主妙嚴品第一之三……………一四

世主妙嚴品第一之四……………一九

世主妙嚴品第一之五……………二四

如來現相品第二……………二九

普賢三昧品第三……………三五

世界成就品第四……………三七

華藏世界品第五之一……………四二

華藏世界品第五之二……………四八

華藏世界品第五之三……………五二

毘盧遮那品第六……………五七

如來名號品第七……………六二

四聖諦品第八……………六五

卷一三 光明覺品第九……………六七

菩薩問明品第十……………七一

淨行品第十一……………七四

賢首品第十二之上……………七七

賢首品第十二之下……………八二

昇須彌山頂品第十三……………八九

須彌頂上偈讚品第十四……………八九

十住品第十五……………九二

梵行品第十六……………九七

初發心功德品第十七……………九八

明法品第十八……………一〇六

昇夜摩天宮品第十九……………一一一

夜摩宮中偈讚品第二十……………一二二

十行品第二十一之上……………一一四

十行品第二十一之下……………一一八

十無盡藏品第二十二……………一二五

昇兜率天宮品第二十三……………一三〇

兜率天宮偈讚品第二十四……………一三八

卷二四	十廻向品第二十五之一	一四一	卷四六	諸菩薩住處品第三十二	三四一
卷二五	十廻向品第二十五之二	一四五	卷四七	佛不思議法品第三十三之上	三四三
卷二六	十廻向品第二十五之三	一五二	卷四八	佛不思議法品第三十三之下	三五〇
卷二七	十廻向品第二十五之四	一五九		如來十身相海品第三十四	三五六
卷二八	十廻向品第二十五之五	一六四		如來隨好光明功德品第三十五	三六一
卷二九	十廻向品第二十五之六	一六九	卷四九	普賢行品第三十六	三六六
卷三〇	十廻向品第二十五之七	一七六	卷五〇	如來出現品第三十七之一	三七一
卷三一	十廻向品第二十五之八	一八一	卷五一	如來出現品第三十七之二	三八〇
卷三二	十廻向品第二十五之九	一八七	卷五二	如來出現品第三十七之三	三八九
卷三三	十廻向品第二十五之十	一九四	卷五三	離世間品第三十八之一	四〇〇
卷三四	十廻向品第二十五之十一	一九九	卷五四	離世間品第三十八之二	四〇六
卷三五	十地品第二十六之一	二〇四	卷五五	離世間品第三十八之三	四一二
卷三六	十地品第二十六之二	二二一	卷五六	離世間品第三十八之四	四一九
卷三七	十地品第二十六之三	二三五	卷五七	離世間品第三十八之五	四二五
卷三八	十地品第二十六之四	二四七	卷五八	離世間品第三十八之六	四三一
卷三九	十地品第二十六之五	二六六	卷五九	離世間品第三十八之七	四三五
卷四〇	十地品第二十六之六	二八四	卷六〇	入法界品第三十九之一	四三九
卷四一	十定品第二十七之一	二九六	卷六一	入法界品第三十九之二	四四九
卷四二	十定品第二十七之二	三〇三	卷六二	入法界品第三十九之三	四五六
卷四三	十定品第二十七之三	三〇八	卷六三	入法界品第三十九之四	四六二
卷四四	十定品第二十七之四	三一四	卷六四	入法界品第三十九之五	四六九
卷四五	十通品第二十八	三二三	卷六五	入法界品第三十九之六	四七四
	十忍品第二十九	三二七	卷六六	入法界品第三十九之七	四八一
	阿僧祇品第三十	三三六	卷六七	入法界品第三十九之八	四八八
	如來壽量品第三十一	三四一	卷六八	入法界品第三十九之九	四九四

卷六九 入法界品第三十九之十……五〇二
 卷七〇 入法界品第三十九之十一……五〇七
 卷七一 入法界品第三十九之十二……五一三
 卷七二 入法界品第三十九之十三……五二〇
 卷七三 入法界品第三十九之十四……五二六
 卷七四 入法界品第三十九之十五……五三二

卷七五 入法界品第三十九之十六……五三七
 卷七六 入法界品第三十九之十七……五四五
 卷七七 入法界品第三十九之十八……五五四
 卷七八 入法界品第三十九之十九……五六二
 卷七九 入法界品第三十九之二十……五六八
 卷八〇 入法界品第三十九之二十一……五七三

刻憨大師華嚴經

要引

憨大師之兩法海內片字

落紙不脛而走四方著

述殷盛自佛滅以來未

數有也無愚慧皆知之

聲不須具論聲得生值

大師之世不幸溷於世

俗學道既遲始有耳

目不克聞見及其稍

自悔覺能讀吾大師

之書而緣盡時窮師

已不復住人間矣今其

上座以晦虛中兩上人

來此也來此則吾友程

仲延氏首與遊遊數

日細問其大師平生行

履一切筆舌問事地

得見師所親手點竄之

華嚴綱要稿本及諸

種裸著尚未獲登本

行世者友人捧覽悽

然心動念我輩未嘗

蚤知大事圖一登大師

之堂而見其面今無

意中忽見所未刻之

手澤如面師焉師往

來南北海內之名山大

川通都巨邑說法所不

到者甚稀獨未一涉吾

新安今以其未刻之大

法而又其手澤焉而

於焉至止豈非天哉聲

知此大事才數年即未

能盡讀大師之書顧見

諸經之大者要者師亦

大畧疏盡獨華嚴目

刻不須論刻且急且宜

就新安中人成之師

晚歲知古緣將盡早

夜踰急成此書佛

命師命衆生命端在

此中西上人英靈開異

真不愧法王孫子徒以

大師未刻遺書不遑

寧處而以此特甚甫議

剞劂則程子文氏力任

繕寫諸佛弟子當以

次第至或不間知借

撥微之

海陽弟子金聲敬

題



大方廣佛華嚴經綱要序

華嚴大經者乃毘盧遮那佛稱法界量顯現自性因果本妙莊嚴究竟圓頓總持法門也文豐義富事涉宗玄要而收之不出四法界而已蓋四法界者一理法界此界也以真性法中本無生佛名言豈有自他影像世出世法染淨因緣當體全空究竟清淨不可思議是謂理法界也二事法界斯界也即理法界至虛而靈淨極而妙不動本然循業發現頓變相見二分幻開迷悟兩途情與非情聖凡依正熾然同異究竟所有不可思議是謂事法界也三理事無礙法界

華嚴經

是界也即理外無事事外無理理不拒事縛脫歷然事不拒理生滅寂爾波濤萬殊而全彰水體水性一味而徧示波瀾空有並施性相不二不可思議是謂理事無礙法界也四事事無礙法界茲界也合上三界圓入一真理事既不相違彼此自是無礙以事入理理無盡而事事無盡以理收事理無殊而事事無殊舉一念而三世圓明吹一毛而十方炳現正中有依一毛孔中有無量無邊世界依中有正一微塵裏有無窮無盡如來一多互融延促自在不可思議是謂事事無礙法界也是則世出世間色心諸法不出

此四種法界又此四界唯是一心離心之外無法可言此心亦是強名不可言議不可思議即一真大法界也如來證此法界性示此法界相廣此法界量放此法界光攝此法界機彰此法界會盡此法界理演此法界經是經一名而有三部品偈既廣卷數勝多人間難於秘藏龍宮久爲密護像法住世龍樹大師博盡世間琅函因搜海中寶藏逢斯妙典無上其乘慨大法不聞何以見自心現量圓宗未會豈能開法性光明注神淵記得下部之始終竭力宣揚廣上根之知見初流布於于闐次傳演於支那自經出典無

論餘國但此方禪教師將細素明賢發無礙辯才得無師智慧雄機大用暨論橫談生火涅槃自在無畏立在此毘盧頂上超於威音劫前從古至今算數莫計豈非皆從此經法化而出耶或在諸餘經典及師友因緣一念相應得見自性亦須從此經印證方能弘自性圓通所以古人云無不出乎此法界無不還歸此法界斯之謂歟今古從此經得大受用得大自在不可不知此經之所出耶不可不知龍樹大師之所與也是經疏論代有當家唯清涼大師獨超越諸作體法界觀開合此經實文殊之應身乃毘盧之偏照

以六相十玄發其幽旨以五周四分收其全文分章別義若朗月之照晴空逐句揭宗猶海印之現乾象義無不備事無不周是疏鈔與經可謂君臣道合也疏鈔一出自唐至明代不虛講至於我朝神宗年大亦講未歇時奈何二十年來不聞有處論及疏義究此玄宗人與物俱為滅消身與心並之虛弱事推容易道難難無論黑白皆為時氣所奪也即僧輩中為座主者或經或論多不肯淡求或句或文唯從輕快以為簡易以為分明反以古人疏論為迂談率以時尚口語為切妙是以比來法席皆貴指點本文講

華嚴綱要序

三

解漸於虛浮疏鈔將同湮沒使如來一字法門書海墨而不盡破塵經卷包法界以無餘全若無聞况復得意法運至此良可惜哉蓋古人疏論皆依智宣流或總大意條陳或從細文曲別或正釋或旁通或合明或助顯或指證或懸分圓轉入微開合不一嗟乎今之學者多識心淺近因視古之疏論謂智境支離又則此時狹劣慢習日滋日淡輕淺狂見時榮時厚即於本經多望涯而返豈獨古疏厭繁不尋復有弄機緣作究竟宗乘鄙藏教為糟粕文字每掉頭弗顧掩耳不聞何乃逐末忘本認派迷源顛倒至斯何因

啓悟邪風狂扇一期難回我慈山先師乘法界大願示生此際痛惜時微注意大經遊心古疏提綱挈要斷義分文不三年而全經大旨首尾昭然即一座而疏有未發復為補出收群詮于指掌窺法界于毫端一性圓明百無覆益俾學者或因綱要以博疏鈔又因疏以入經因經以見性使狹劣之習漸近而漸遠廣大之境愈入而愈深此綱要之所以而作也是清涼大師為本經之勲臣我慈山先師又為疏鈔之導師也正提挈閣筆之日適曹溪堅請之時義不能辭行為彼應因此經疏源流未敘綱要起止無題不時

華嚴綱要序

四

先師示寂曹溪此種公案遂成缺典幸得益公法屬竭力募刻新安劉氏梓工方完借益公又卒勞累斯亦未及請序大方丁丑春衡為先師掃塔因緣特之匡山法雲蘭若得此新刻如獲舊藏法法現前受用不盡由是聲此微言用以鳴後云爾

昔

崇禎丁丑歲四月佛誕日嗣法門人觀衡焚香題于五乳峰法雲禪寺之方丈



大方廣佛華嚴經綱要卷第一

于闐國三藏沙門實叉難陀 譯經

清涼山大華嚴寺沙門澄觀 疏義

明匡山法雲寺慈山沙門德清提挈

初標部類品會

此經按西域記說有三部上部有十三大千世界微塵數偈一四天下微塵數品中部有四十九萬八千八百偈一千二百品下部有十萬偈四十八品龍樹菩薩入龍官見上中二部非凡夫心力能持遂記下本流通人間今傳來此方者八十卷

華嚴綱要卷一

三十九品以經來未盡故所行者為略本耳然此經乃我

盧舍那佛初成正覺於菩提場稱性所演一時頓說周徧法界故部類之多寡第隨見聞有異今說此經之處有七其會有九其品有三十九所詮之義統四法界攝五周六位因果清涼疏以信解行證四分科釋全經七處九會三十九品者

初會菩提場普賢菩薩說毘盧遮那如來依正因果法門自第一卷至十一卷共六品經六品者世王妙嚴品 如來現相品 普賢三昧品 世界成就品 華藏世界品 毘盧遮那品

二會普光明殿文殊師利菩薩說十信等法門自十二卷至十五卷共六品經六品者

如來名號品 四聖諦品 光明覺品 普賢問明品 淨行品 賢首品

三會切利天宮法慧菩薩說十住等法門自十六卷至十八卷共六品經六品者

昇須彌山頂品 須彌山頂偈讚品 十住品 梵行品 初發心功德品 明法品

四會夜摩天宮功德林菩薩說十行等法門自十九卷至二十一卷共四品經四品者

昇夜摩天宮品 夜摩天宮偈讚品 十行品 十無盡藏品

五會兜率天宮金剛幢菩薩說十回向等法門自二十二卷至二十五卷共四品經四品者

之體本來無相。今全體變成十法界事相。一切衆生有此法性。執持而能生解。故曰以正法自持。謂十法界有相之法。無一不具。故相亦大也。廣者用大。謂法界之體。有大力用。以能變起十法界用。故曰稱體而周。若諸衆生有能悟此體者。即有轉凡成聖之用。故用亦大也。以此三太總一法界真源。覺此本源。故名爲佛。故曰覺斯玄妙。佛者覺也。以法界體亦名清淨法身。必假萬行莊嚴。乃成報身。故稱法界性。以此修因。故華喻萬行功德。言華必有果。嚴謂莊嚴。以萬行之因。華莊嚴法身之果體。

華嚴經卷一

七

是爲報佛。故嚴謂飾法成人。今說此經者。即報佛也。

第一會菩提場普賢菩薩爲會主。說舉果法。有六品。經四分科。經即舉果勸樂生信分。

世主妙嚴品第一之一
此明舉果勸樂有六品。經者科分十分。一教起因緣。即初一品。二大眾同請分。三面光集衆分。四毫光示法分。五眉間出衆分。已上在第二品六普賢三昧分。七諸佛同加分。八法王起定分。九大眾重請分。已上在第三品。十正陳法海分。在後三品內。

言世主妙嚴者。世謂三世間智正覺。世間器世間衆生世間主者。佛爲智正覺。世間主菩薩欲色諸天爲器世間主。諸神雜類爲衆生世間主。嚴者毘盧遮那初成正覺。正報果體。有佛刹微塵數相好。乃嚴自今處菩提場海會衆中。則爲二種世間嚴。而菩薩海會諸天神王。以爲眷屬。以嚴主佛爲眷屬。嚴其地金剛寶樹等。爲依報處嚴。三種世間依正二報更互相嚴。故爲妙嚴。

如是我聞。一時佛在摩竭提國阿蘭若法菩提場中。始成正覺。其地堅固金剛所成。上妙寶輪及衆寶華。

清淨摩尼。以爲嚴飾。諸色相海無邊顯現。摩尼爲幢。常放光明。恒出妙音。衆寶羅網妙香華縷。周匝垂布。摩尼寶王。變現自在。雨無盡寶及衆妙華。分散於地。寶樹行列。枝葉光茂。佛神力故。今此道場。一切莊嚴。於中影現。其菩提樹高顯殊特。金剛爲身。琉璃爲幹。衆雜妙寶。以爲枝條。寶葉扶疎垂蔭。如雲寶華。雜色分枝布影。復以摩尼而爲其果。含輝發耀。與華間列。其樹周圍。咸放光明。於光明中。雨摩尼寶。摩尼寶內。有諸菩薩。其衆如雲。俱時出現。又以如來威神力故。其菩提樹恒出妙音。說種種法。無有盡極。如來所處。

宮殿樓閣廣博嚴麗。充滿十方衆色。摩尼之所集成。種種寶華。以爲莊校。諸莊嚴具。流光如雲。從宮殿間。萃影成幢。無邊菩薩道場衆會。咸集其所以能出現。諸佛光明。不思議音。摩尼寶王。而爲其網。如來自神通之力。所有境界。皆從中出。一切衆生居處屋宅。皆於此中。現其影像。又以諸佛神力所加。一念之間。悉包法界。其師子座高廣妙好。摩尼爲臺。蓮華爲網。清淨妙寶。以爲其輪。衆色雜華。而作璽瑤。堂榭樓閣。階砌戶牖。凡諸物像。備體莊嚴。寶樹枝果。周迴間列。摩尼光雲。互相照耀。十方諸佛化現珠王。一切菩薩。

華嚴經卷一

九

皆中妙寶。悉放光明。而來瑩燭。復以諸佛威神所持。演說如來廣大境界。妙音遍暢。無處不及。爾時世尊處于此座。於一切法。成最正覺。智入三世。悉皆平等。其身充滿一切世間。其音普順十方國土。譬如虛空。其含衆像。於諸境界。無所分別。又如虛空。普徧一切。於諸國土。平等隨入。身恒徧坐一切道場。菩薩衆中。威光赫奕。如日輪出。照明世界。三世所行衆福大海。悉已清淨。而恒示生諸佛國土。無邊色相。圓滿光明。徧周法界。等無差別。演一切法。如布大雲。一一毛端。悉能容受一切世界。而無障礙。各現無量神通之力。

教化調伏一切衆生。身徧十方。而無來往。智入諸相。了法空寂。三世諸佛。所有神變。於光明中。靡不咸觀。一切佛土。不思議劫。所有莊嚴。悉令顯現。有十佛世界。微塵數菩薩摩訶薩。所共圍繞。其名曰普賢菩薩。摩訶薩。普德最勝。燈光照菩薩摩訶薩。普光師子幢菩薩摩訶薩。普賢寶嚴妙光菩薩摩訶薩。普音功德海幢菩薩摩訶薩。普智智光如來境菩薩摩訶薩。普寶誓華幢菩薩摩訶薩。普覺悅意聲菩薩摩訶薩。普清淨無盡福光菩薩摩訶薩。普光明相菩薩摩訶薩。普清月光大明菩薩摩訶薩。普海光無垢藏菩薩摩訶薩。

華嚴經卷一

十

薩功德寶誓智生菩薩摩訶薩。功德自在王大光菩薩摩訶薩。善勇猛蓮華普菩薩摩訶薩。普智雲日幢菩薩摩訶薩。大精進金剛齋菩薩摩訶薩。普賢光幢菩薩摩訶薩。大明德深美音菩薩摩訶薩。大福光智生菩薩摩訶薩。如是等而爲上首。有十佛世界微塵數。此諸菩薩。性皆普與毘盧遮那如來共集善根。修菩薩行。皆從如來善根海生。諸波羅密。悉已圓滿。慧眼明徹。等觀三世。於諸三昧。具足清淨。辯才如海。廣大無盡。其佛功德。尊嚴可敬。知衆生根。如應化伏。入法界藏。智無差別。證佛解脫。甚深廣大。能隨方便。入於一地。而以一切願海所持。恒與智俱。盡未來際。了達諸佛。希有廣大秘密之境。善知一切佛平等法。已踐如來普光明地。入於無量三昧海門。於一切處。皆隨現身。世法所行。悉同其事。總持廣大集衆法海。辯才善巧。轉不退輪。一切如來功德大海。咸入其身。一切諸佛。所在國土。皆隨願往。已曾供養一切諸佛。無邊際劫。歡喜無倦。一切如來得菩提處。常在其中。親近不捨。恒以所得普賢願海。令一切衆生。智身具足。成就如是無量功德。復有佛世界微塵數。執金剛神。所謂妙色那羅延。執金剛神。日輪速疾。幢執金剛神。

須彌華光執金剛神清淨雲音執金剛神諸根美妙執金剛神可愛樂光明執金剛神大樹雷音執金剛神師子王光明執金剛神密嚴勝目執金剛神蓮華光摩尼髻執金剛神如是等而為上首有佛世界微塵數皆於往昔無量劫中恒發大願願常親近供養諸佛隨願所行已得圓滿到於彼岸積集無邊清淨福業於諸三昧所行之境悉已明達復神通力隨如來任人不思議解脫境界處於眾會威光特達隨諸眾生所應現身而示調伏一切諸佛化形所在皆隨化往一切如來所任之處常勤守護復有佛世界微

塵數身眾神所謂華髻莊嚴身眾神光照十方身眾神海音調伏身眾神淨華嚴髻身眾神無量威儀身眾神最上光嚴身眾神淨光香雲身眾神守護攝持身眾神普現攝取身眾神不動光明身眾神如是等而為上首有佛世界微塵數皆於往昔成就大願供養承事一切諸佛復有佛世界微塵數足行神所謂寶印手足行神蓮華光足行神清淨華髻足行神攝諸善見足行神妙寶足行神樂吐妙音足行神攝樹樹光足行神蓮華光明足行神微妙光明足行神神積集妙華足行神如是等而為上首有佛世界微

塵數皆於過去無量劫中親近如來隨逐不捨復有佛世界微塵數道場神所謂淨莊嚴道場神須彌寶光道場神雷音幢相道場神雨華妙眼道場神華嚴冠髻道場神雨寶莊嚴道場神勇猛香眼道場神金剛彩雲道場神蓮華光明道場神妙光照耀道場神如是等而為上首有佛世界微塵數皆於過去值無量佛成就願力廣興供養復有佛世界微塵數王城神所謂寶峰光耀王城神妙嚴官殿王城神清淨喜寶王城神離塵清淨王城神華燈隱眼王城神隱幢明現王城神盛福光明王城神清淨光明王城神

香髻莊嚴王城神妙寶光明王城神如是等而為上首有佛世界微塵數皆於無量不思議劫嚴淨如來所居官殿復有佛世界微塵數王地神所謂普德淨華王地神堅福莊嚴王地神妙華嚴樹王地神普散眾寶王地神淨目觀時王地神妙色勝眼王地神香毛發光王地神悅意音聲王地神妙華旋髻王地神金剛嚴體王地神如是等而為上首有佛世界微塵數皆於往昔發深重願願常親近諸佛如來同修福業復有無量王山神所謂寶峰開華王山神華林妙髻王山神高幢普照王山神離塵淨髻王山神光照

十方王山神大力光明王山神威光普勝王山神微密光輪王山神普眼現見王山神金剛密眼王山神如是等而為上首其數無量皆於諸法得清淨眼復有不可思議數王林神所謂布華如雲王林神摧餘舒光王林神生牙發曜王林神吉祥淨慧王林神垂布蔭蔽王林神清淨光明王林神可意雷音王林神光香普徧王林神妙光追曜王林神華果光味王林神如是等而為上首不思議數皆有無量可愛光明復有無量王藥神所謂吉祥王藥神樹檀林王藥神清淨光明王藥神名稱普聞王藥神毛孔光明王藥

神普治清淨王藥神大發吼聲王藥神蔽日光幢王藥神明見十方王藥神益氣明目王藥神如是等而為上首其數無量皆離垢仁慈祐物復有無量王稼神所謂柔軟勝味王稼神時華淨光王稼神色力勇健王稼神增長精氣王稼神普生根果王稼神妙嚴環髻王稼神潤澤淨華王稼神成就妙香王稼神見者愛樂王稼神離垢淨光王稼神如是等而為上首其數無量莫不皆得大成就復有無量王河神所謂普發迅流王河神普潔淨潤王河神離塵淨眼王河神十方徧吼王河神救護眾生王河神無熱淨

光王河神普生歡喜王河神廣德勝幢王河神光照普世王河神海德光明王河神如是等而為上首有無量數皆勤作意利益眾生復有無量王海神所謂出現寶光王海神成金剛幢王海神遠離塵垢王海神普水官殿王海神吉祥寶月王海神妙華龍髻王海神普持光味王海神寶嚴華光王海神金剛妙髻王海神海潮雷音王海神如是等而為上首其數無量悉以如來功德大海充滿其身復有無量王水神所謂普興雲幢王水神海潮雲音王水神妙色輪髻王水神善巧漩激王水神離垢香積王水神福橋光

音王水神知足自在王水神淨喜普音王水神普現威光王水神吼音徧海王水神如是等而為上首其數無量常勤救護一切眾生而為利益復有無數王火神所謂普光嚴藏王火神普集光幢王火神大光普照王火神眾妙官殿王火神無盡光髻王火神種種嚴眼王火神十方官殿如須彌山王火神威光自在王火神光明破暗王火神雷音電光王火神如是等而為上首不可稱數皆能示現種種光明今諸眾生熱惱除滅復有無量王風神所謂無礙光明王風神普現勇業王風神飄擊雲幢王風神淨光莊嚴王

風神力能竭水王風神大聲徧吼王風神樹妙垂髻王風神所行無礙王風神種種官殿王風神大光普照王風神如是等而為上首其數無量皆勤散滅我慢之心復有無量王空神所謂淨光普照王空神普遊深廣王空神生吉祥風王空神離障安住王空神廣步妙髻王空神無礙光隱王空神無礙勝力王空神離垢光明王空神深遠妙音王空神光徧十方王空神如是等而為上首其數無量心皆離垢廣大明潔復有無量王方神所謂徧住一切王方神普現光明王方神光行莊嚴王方神周行不礙王方神承斷

迷感王方神。普遊淨空。主刀神大雲幢音王方神。目無亂王方神。普觀世業。主刀神。周遍遊覽。主刀神。如是等而為上首。其數無量。能以方便普放光明。恒照十方。相續不絕。復有無量主夜神。所謂普德淨光主夜神。喜眼觀世王夜神。護世精氣主夜神。寂靜海音主夜神。普現吉祥王夜神。普發樹華主夜神。平等護育王夜神。遊戲快樂主夜神。諸根常喜主夜神。出生淨福王夜神。如是等而為上首。其數無量。皆勤修習。以法為樂。復有無量主晝神。所謂示現官殿主晝神。發起慧香主晝神。樂勝莊嚴主晝神。香華妙光主

華嚴經卷一

十六

書神。普集妙樂。主晝神。樂作音目主晝神。普現諸方主晝神。大悲光明主晝神。普根光顯主晝神。妙華纓絡主晝神。如是等而為上首。其數無量。皆於妙法能生信解。恒共精勤。嚴飾官殿。復有無量阿修羅王。所謂羅睺阿修羅王。毘摩質多羅阿修羅王。巧幻術阿修羅王。大眷屬阿修羅王。大力阿修羅王。徧照阿修羅王。堅固行妙莊嚴阿修羅王。廣大因慧阿修羅王。出現勝德阿修羅王。妙好音聲阿修羅王。如是等而為上首。其數無量。悉已精勤。摧伏我慢。及諸煩惱。復有不可思議數迦樓羅王。所謂大速疾力迦樓羅王。

無能壞寶髻迦樓羅王。清淨速疾迦樓羅王。心不退轉迦樓羅王。大海處攝持力迦樓羅王。堅固淨光迦樓羅王。巧嚴冠髻迦樓羅王。普提示現迦樓羅王。普觀海迦樓羅王。普音廣目迦樓羅王。如是等而為上首。不思議數。悉已成就。大方便力。普能救攝一切眾生。復有無量緊那羅王。所謂善慧光明天緊那羅王。妙華幢緊那羅王。種種莊嚴緊那羅王。悅意吼聲緊那羅王。寶樹光明緊那羅王。見者欣樂緊那羅王。最勝光莊嚴緊那羅王。微妙華幢緊那羅王。勤地力緊那羅王。攝伏惡眾緊那羅王。如是等而為上首。其數

無量。皆勤精進。觀一切法。心恒快樂。自在遊戲。復有無量摩睺羅伽王。所謂善慧摩睺羅伽王。清淨威音摩睺羅伽王。勝慧莊嚴摩睺羅伽王。妙目主摩睺羅伽王。如燈幢為眾所歸摩睺羅伽王。最勝光明幢摩睺羅伽王。師子臆摩睺羅伽王。聚妙莊嚴音摩睺羅伽王。須彌堅固摩睺羅伽王。可愛樂光明摩睺羅伽王。如是等而為上首。其數無量。皆勤修習。廣大方便。令諸眾生。永割痼網。復有無量夜叉王。所謂毘沙門夜叉王。自在音夜叉王。嚴持器仗夜叉王。大智慧夜叉王。嚴眼王夜叉王。金剛眼夜叉王。勇健臂夜叉

王。勇敵大軍夜叉王。富資財夜叉王。力壞高山夜叉王。如是等而為上首。其數無量。皆勤守護。一切眾生。復有無量諸大龍王。所謂毘樓博叉龍王。娑竭羅龍王。雲音妙幢龍王。護口海光龍王。普高雲幢龍王。德又迦龍王。無邊步龍王。清淨色龍王。普運大聲龍王。無熱惱龍王。如是等而為上首。其數無量。莫不勤力。興雲布雨。令諸眾生。熱惱消滅。復有無量鳩槃荼王。所謂增長鳩槃荼王。龍王鳩槃荼王。善莊嚴鳩槃荼王。茶王。普饒益行鳩槃荼王。甚可怖畏鳩槃荼王。美目端嚴鳩槃荼王。高峰慧鳩槃荼王。勇健臂鳩槃荼王。

華嚴經卷一

十六

無邊淨華眼鳩槃荼王。廣大天面阿修羅眼鳩槃荼王。如是等而為上首。其數無量。皆勤修學。無礙法門。放大光明。復有無量乾闥婆王。所謂持國乾闥婆王。樹光乾闥婆王。淨目乾闥婆王。華冠乾闥婆王。普音乾闥婆王。樂搖動妙目乾闥婆王。妙音師子幢乾闥婆王。樂普現莊嚴乾闥婆王。如是等而為上首。其數無量。皆於大法。深生信解。歡喜愛重。勤修不倦。復有無量月天子。所謂月天子。華王。普光明天子。眾妙淨光明天子。安樂世間心天子。樹王。眼光明天子。示現清淨

光天子。普遊不動光天子。星宿王自在天子。淨覺月天子。大威德光明天子。如是等而為上首。其數無量。皆勤顯發。眾生心寶。復有無量日天子。所謂日天子。光嚴眼天子。須彌光可畏敬幢天子。離垢寶莊嚴天子。勇猛不退轉天子。妙華嚴光明天子。最勝幢光明天子。寶髻普光明天子。光明眼天子。持勝德天子。普光明天子。如是等而為上首。其數無量。皆勤修習。利益眾生。增其善根。復有無量三十三天王。所謂釋迦因陀羅天王。普稱滿音天王。慈目寶髻天王。寶光幢名稱天王。發生喜樂髻天王。可愛樂正念天王。須彌

華嚴經卷一

十九

勝音天王。成就念天王。可愛樂淨華光天王。智日眼天王。自在光明能覺悟天王。如是等而為上首。其數無量。皆勤發起。一切世間廣大之業。復有無量須夜摩天王。所謂善時分天王。可愛樂光明天王。無盡慧功德幢天王。善變化端嚴天王。總持大光明天王。不思議智慧天王。輪寶天王。光嚴天王。光照天王。普觀察大名稱天王。如是等而為上首。其數無量。皆勤修習。廣大善根。心常喜足。復有不可思議數兜率陀天王。所謂知足天王。喜樂海髻天王。最勝功德幢天王。寂靜光天王。可愛樂妙目天王。寶峰淨月天王。最勝

勇健力天王。金剛妙光明天王。星宿莊嚴幢天王。可愛樂莊嚴天王。如是等而為上首。不思議數。皆勤念持。一切諸佛。所有名號。復有無量化樂天王。所謂善變化天王。寂靜音光明天王。變化力光明天王。莊嚴主天王。念光天王。最上雲音天王。眾妙最勝光天王。妙髻光明天王。成就喜慧天王。華光光明天王。普見十方天王。如是等而為上首。其數無量。皆勤調伏。一切眾生。令得解脫。復有無數他化自在天王。所謂得自在天王。妙目主天王。妙冠幢天王。勇猛慧天王。妙音句天王。妙光幢天王。寂靜境界門天王。妙輪莊嚴幢

天王華嚴慧自在天王因陀羅力妙莊嚴光明天王如是等而為上首其數無量皆勤修習自在方便廣大法門復有不可數大梵天王所謂尸棄天王慧光天王善慧光明天王普雲音天王觀世音自在天王寂靜光明天王光徧十方天王變化音天王光明照耀眼天王悅意海音天王如是等而為上首不可稱數皆具大慈憐愍眾生舒光普照令其快樂復有無量光音天王所謂可愛樂光明天王清淨妙光天王能自在音天王最勝念智天王可愛樂清淨妙音天王善思惟音天王普音徧照天王甚深光音天

王無垢稱光明天王最勝淨光天王如是等而為上首其數無量皆注廣大寂靜喜樂無礙法門復有無量徧淨天王所謂清淨慧名稱天王最勝見天王寂靜德天王須彌音天王淨念眼天王可愛樂最勝光照天王世間自在天王光嚴自在天王樂思惟法變化天王變化幢天王星宿音妙莊嚴天王如是等而為上首其數無量悉已安任廣大法門於諸世間勤作利益復有無量廣果天王所謂愛樂法光明幢天王清淨莊嚴海天王最勝慧光明天王自在智慧幢天王樂寂靜天王普智眼天王樂旋慧天王善種

華嚴經卷一

三

慧光明天王無垢寂靜光天王廣大清淨光天王如是等而為上首其數無量莫不皆以寂靜之法而為宮殿安住其中復有無數大自在天王所謂妙嚴海大王自在名稱光天王清淨功德眼天王可愛樂大慧天王不動光自在天王妙莊嚴眼天王善思惟光明天王可愛樂大智天王普音莊嚴幢天王極精進名稱光天王如是等而為上首不可稱數皆勤觀察無相之法所行平等

如是我聞已下至眾海雲集為通序此法會之因緣於中常言六種成就謂信問時王處眾此六具

足法緣方興亦是佛願命之言諸經通有故名通序此經六事若願圓宗迥異餘經若言如是我聞乃文殊阿難以稱法界智普聞法界之普法我乃法身無我之真我入法界之真聞一時乃毘盧遮那初成正覺之時乃無古今劫念平等之時處乃菩提場為自覺智所住之處眾乃海印三昧所現之眾此則六種皆稱法而言也其地堅固金剛所成此乃金剛心地火下上妙寶輪等乃顯地上嚴其菩提樹等為覺樹嚴如來所處等為宮殿嚴其師子座等為座嚴上皆依報嚴處於此座成最

華嚴經卷一

三

正覺總成教王嚴其身充滿一切世間言十身充滿三業普周正顯正報嚴依正互嚴故為妙嚴次有十佛世界微塵數菩薩所共圍繞即眷屬嚴亦主伴互嚴其海眾雲集分同生異生二類菩薩為同生眾諸天神王等為異生眾其菩薩唯一眾言同生者謂菩薩同得法性身皆從如來善根海生故作一類菩薩形故又同者通諸位故其諸天神王等有二十九眾言異生者謂雜類作諸異生形狀故又為法界差別德故又有師子座中所流眾及眉間出眾共四十二眾以四十眾配三賢十聖

師子座眾配等覺眉間出眾配妙覺通配四十二位各得一位法門總嚴毘盧果體故為眷屬嚴亦為伴嚴輔翼法化故總成妙嚴菩薩眾集已乃歎德云皆從如來善根海生等故為同生眾次下復有佛世界微塵數執金剛神已下至妙嚴海大自在天王列異生眾共有三十九眾諸天神王每一領十以表無盡先各十共具一德上眾海畢集為通序

大方廣佛華嚴經綱要卷第一終

休寧縣佛弟子程有學法名入微助贊刻此
華嚴經綱要第一卷之十卷功德上諸
先考編建布政司參政劉君諱朝京解
院庶務常居華嚴自願食全增進淨念精誠
趣向西方願成聖地
匡山五乳侍者廣益對 錢唐陶一霖書
古歛黃應星刻
天啓丙寅冬十月海陽清淨林識

大方廣佛華嚴經綱要卷第二

于闐國三藏沙門實叉難陀 譯經

清涼山大華嚴寺沙門澄觀 疏義

明匡山法雲寺慈山沙門德清提筆

世主妙嚴品第一之二

衆海數德爲別序

上衆海雲集此下別序發起此經之由致故諸天神王各各歎具佛一解脫前則十人共具一德爲總此下各各別具一解脫者以明別義總別圓融共成一毘盧果體亦顯妙嚴果德故通一品其列

衆始菩薩終妙談海天王及今數德乃從末後妙談海起終至菩薩以表總別始終共圓成一果體故其諸天神王各各說偈讚亦隨所證法門經義自明從妙談海起至月天子

爾時如來道場衆海悉已雲集無邊品類周而備滿形色部從各各差別隨所來方親近世尊一心瞻仰此諸衆會已離一切煩惱心垢及其餘習惟重障山見佛無礙如是皆以毘盧遮那如來往昔之時於劫海中修菩薩行以四攝事而曾攝受一一佛所種善根時皆已善攝種種方便教化成熟令其安立一切

智道種無量善獲衆大福悉已入於方便願海所行之行具足清淨於出離道已能善出常見於佛分明照了以勝解力入於如來功德大海得於諸佛解脫之門遊戲神通所謂妙談海大自在天王得法界虛空界寂靜方便力解脫門自在名稱光天王得普觀一切法悉自在解脫門清淨功德眼天王得知一切法不生不滅不來不去無功用行解脫門可愛樂大慧天王得現見一切法真實智慧海解脫門不動光自在天王得與衆生無邊安樂大方便定解脫門妙莊嚴眼天王得令觀寂靜法滅諸癡闇佈解脫門

善思惟光明天王得普入無邊境界不起一切諸有思惟業解脫門可愛樂大智天王得普往十方說法而不動無所依解脫門普普莊嚴幢天王得入佛寂靜境界普現光明解脫門名稱光善精進天王得任自所悟處而以無邊廣大境界爲所緣解脫門爾時妙談海天王承佛威力普觀一切自在天衆而說頌言

佛身普徧諸大會 充滿法界無窮盡
寂滅無性不可取 爲救世間而出現
如來法王出世間 能然照世妙法燈

境界無變亦無盡 此自在名之所證
佛不思議離分別 了相十方無所有
爲世廣開清淨道 如是淨眼能觀見
如來智慧無邊際 一切世間莫能測
永滅衆生癡闇心 大慧入此深安住
如來功德不思議 衆生見者煩惱滅
普使世間獲安樂 不動自在天能見
衆生癡闇常迷覆 如來爲說寂靜法
是則照世智慧燈 妙眼能知此方便
如來清淨妙色身 普現十方無有比

此身無性無依處 善思惟天所觀察
如來音聲無限礙 堪受化者靡不開
而佛寂然恒不動 此樂智天之解脫
寂靜解脫天人主 十方無處不現前
光明照耀滿世間 此無礙法嚴幢見
佛於無邊大劫海 爲衆生故求菩提
種種神通化一切 名稱光天悟斯法
復次可愛樂法光明幢天王得普觀一切衆生根爲說法斷疑解脫門淨莊嚴海天王得隨憶念令見佛解脫門最勝慧光明天王得法性平等無所依莊嚴

身解脫門自在智慧幢天王得了知一切世間法一念中安立不思議莊嚴海解脫門樂寂天王得於一毛孔現不思議佛刹無障礙解脫門普智眼天王得入普門觀察法界解脫門樂旋慧天王得爲一切衆生種種出現無邊劫常現前解脫門善種慧光明天王得觀一切世間境界入不思議法解脫門無垢寂靜光天王得示一切衆生出要法解脫門廣大清淨光天王得觀察一切應化衆生令入佛法解脫門爾時可愛樂法光明幢天王承佛威力普觀一切少廣天無量廣天廣果天衆而說頌言

諸佛境界不思議 一切衆生莫能測
普令其心生信解 廣大意樂無窮盡
若有衆生堪受法 佛威神力開導彼
令其恒親佛現前 嚴海天王如是見
一切法性無所依 佛現世間亦如是
普於諸有無依處 此義勝智能觀察
隨諸衆生心所欲 佛神通力皆能現
各各差別不思議 此智幢王解脫海
過去所有諸國土 一毛孔中皆示現
此是諸佛大神通 愛樂寂靜能宣說

一切法門無盡海 同會一法道場中
如是法性佛所說 智眼能明此方便
十方所有諸國土 悉在其中而說法
佛身無去亦無來 愛樂慧旋之境界
佛觀世法如光影 入彼甚深幽奧處
說諸法性常寂然 善種思惟能見此
佛善了知諸境界 隨衆生根雨法雨
爲啓難思出要門 此寂靜天能悟入
世尊恒以大慈悲 利益衆生而出現
等雨法雨充其器 清淨光天能演說

復次清淨慧名稱天王得了達一切眾生解脫道方便解脫門最勝見天王得隨一切諸天眾所樂如光影普示現解脫門寂靜德天王得普嚴淨一切佛境界大方便解脫門須彌音天王得隨諸眾生永流轉生死海解脫門淨念眼天王得憶念如來調伏眾生行解脫門可愛樂普照天王得普門陀羅尼海所流出解脫門世間自在天王得能令眾生值佛生信藏解脫門光談自在天王得能令一切眾生聞法信喜而出離解脫門樂思惟法變化天王得入一切菩薩調伏行如虛空無邊無盡解脫門變化幢天王得

觀眾生無量煩惱普悲智解脫門星宿音妙莊嚴天王得放光現佛三輪攝化解脫門爾時清淨慧名稱天王承佛威力普觀一切少淨天無量淨天徧淨天眾而說頌言

了知法性無礙者 普現十方無量刹
說佛境界不思議 令眾同歸解脫海
如來處世無所依 譬如光影現眾國
法性究竟無生起 此勝見王所入門
無量劫海修方便 普淨十方諸國土
法界如如常不動 寂靜德天之所悟

華嚴經卷三

六

眾生愚癡所覆障 盲暗恒居生死中
如來示以清淨道 此須彌音之解脫
諸佛所行無上道 一切眾生莫能測
示以種種方便門 淨眼諦觀能悉了
如來恒以總持門 譬如剎海微塵數
示教眾生徧一切 普照天王此能入
如來出世甚難值 無量劫海時一遇
能令眾生信解 此自在天之所得
佛說法性皆無性 甚深廣大不思議
普使眾生生淨信 光談天王能善了

三世如來功德滿 化眾生界不思議
於彼思惟生慶悅 如是樂法能開演
眾生在彼煩惱海 愚癡見濁甚可怖
大師哀愍今永離 此化幢王所親境
如來恒放大光明 一一光中無量佛
各各現化眾生事 此妙音之所入門
復次可愛樂光明天王得恒受寂靜樂而能降現銷滅世間苦解脫門清淨妙光天王得大悲心相應海一切眾生喜樂藏解脫門自在音天王得一念中普現無邊劫一切眾生福德力解脫門最勝念智天王

華嚴經卷三

七

得普使成住壞一切世間皆悉如虛空清淨解脫門可愛樂淨妙音天王得愛樂信受一切聖人法解脫門普思惟音天王得能經劫住演說一切地義及方便解脫門演莊嚴音天王得一切菩薩從兜率天宮沒下生時大供養方便解脫門甚深光音天王得觀察無盡神通智慧海解脫門廣大名稱天王得一切佛功德海滿足出現世間方便力解脫門最勝淨光天王得如來往昔普願力發生深信愛樂藏解脫門爾時可愛樂光明天王承佛威力普觀一切少光天無量光天極光天眾而說頌言

我念如來昔所行 承事供養無邊佛
如本信心清淨業 以佛威神今悉見
佛身無相離眾垢 恒住慈悲哀愍地
世間憂患悉使除 此是妙光之解脫
佛法廣大無涯際 一切剎海於中現
如其成壞各不同 自在音天解脫力
佛神通力無與等 普現十方廣大剎
悉令嚴淨常現前 勝念解脫之方便
如諸剎海微塵數 所有如來威敬奉
聞法離染不唐捐 此妙音天法門用

佛於無量大劫海 說地方便無倫匹
所說無邊無有窮 善思音天知此義
如來神變無量門 一念現於一切處
降神成道大方便 此莊嚴音之解脫
威力所持能演說 及現諸佛神通事
隨其根欲悉令淨 此光音天解脫門
如來智慧無邊際 世中無等無所著
慈心應物普現前 廣大名天悟斯道
佛昔修習菩提行 供養十方一切佛
一一佛所發誓心 最勝光聞大歡喜

復次尸棄梵王得普在十方道場中說法而所行清淨無染著解脫門慧光梵王得使一切眾生入禪三昧住解脫門普思慧光明梵王得普入一切不思議法解脫門普雲音梵王得入諸佛一切音聲海解脫門觀世音自在梵王得能憶念菩薩教化一切眾生方便解脫門寂靜光明眼梵王得現一切世間業報相各差別解脫門普光明梵王得隨一切眾生品類差別皆現前調伏解脫門變化音梵王得住一切法清淨相寂滅行境界解脫門光耀眼梵王得於一切有無所著無邊際無依止常動出現解脫門悅意

華嚴經卷三

九

海音梵王得常思惟觀察無盡法解脫門爾時尸棄大梵王承佛威力普觀一切梵身天梵輔天梵眾天大梵天眾而說頌言
佛身清淨常寂滅 光明照耀徧世間
無相無行無影像 譬如空雲如是見
佛身如是定境界 一切眾生莫能測
示彼難思方便門 此慧光王之所悟
佛剎微塵法門海 一言演說盡無餘
如是劫海演不窮 善思慧光之解脫
諸佛圓音等世間 眾生隨類各得解

而於音聲不分別 普音陀天如是悟
三世所有諸如來 趣入菩提方便行
一切皆於佛身現 自在昔天之解脫
一切眾生業差別 隨其因感種種殊
世間如是佛皆現 寂靜光天能悟入
無量法門皆自在 調伏眾生徧十方
亦不於中起分別 此是普光之境界
佛身如空不可盡 無相無礙徧十方
所有應現皆如化 變化音王悟斯道
如來身相無有邊 智慧音聲亦如是

普應衆生悉現前

十

處世現形無所著 光耀天王入此門
法王安處妙法宮 法身光明無不照
法身無比無諸相 此海音王之解脫
復次自在天王得現前成熟無量眾生自在藏解脫
門善目至天王得觀察一切眾生樂入聖境界樂
解脫門妙寶幢冠天王得隨諸眾生種種欲解令起
行解脫門勇猛慧天王得普攝爲一切眾生所說義
解脫門妙音句天王得憶念如來廣大慈增進自所
行解脫門妙光幢天王得示現大悲門摧滅一切憍
慢幢解脫門寂靜境天王得調伏一切世間瞋害心

解脫門妙輪莊嚴幢天王得十方無邊佛隨憶念悉
來赴解脫門華光慧天王得隨衆生心念普現成正
覺解脫門因陀羅妙光天王得普入一切世間大威
力自在法解脫門爾時自在天王承佛威力普觀一
切自在天衆而說頌言

佛身周徧等法界 普應衆生悉現前
種種教門常化誘 於法自在能開悟
世間所有種種樂 聖寂滅樂爲最勝
住於廣大法性中 妙眼天王觀見此
如來出現徧十方 普應羣心而說法

一切疑念皆除斷 此妙幢冠解脫門
諸佛徧世演妙音 無量劫中所說法
能以一言咸說盡 勇猛慧天之解脫
世間所有廣大慈 不及如來一毫分
佛慈如空不可盡 此妙音天之所得
一切眾生慢高山 十力摧殄悉無餘
此是如來大悲用 妙光幢王所行道
慧光清淨滿世間 若有見者除癡暗
令其遠離諸惡道 寂靜天王悟斯法
毛孔光明能演說 等衆生數諸佛名

隨其所樂悉得聞 此妙輪幢之解脫
如來自在不可量 法界虛空悉充滿
一切衆會皆明觀 此解脫門華慧入
無量無邊大劫海 普現十方而說法
未曾見佛有去來 此妙光天之所悟

復次善化天王得開示一切業變化力解脫門寂靜
音光明天王得捨離一切攀緣解脫門變化力光明
天王得普滅一切眾生癡暗心令智慧圓滿解脫門
莊嚴王天王得示現無邊悅意聲解脫門念光天王
得了知一切佛無盡福德相解脫門最上雲音天王

普應衆生悉現前

三

得普知過去一切劫成壞次第解脫門勝光天王得
開悟一切衆生智解脫門妙慧天王得舒光疾滿十
方虛空界解脫門喜慧天王得一切所作無能壞精
進力解脫門華光慧天王得知一切衆生業所受報
解脫門普見十方天王得示現不思議衆生形類差
別解脫門爾時善化天王承佛威力普觀一切善化
天衆而說頌言

世間業性不思議 佛爲羣迷悉開示
巧說因緣真實理 一切衆生差別業
種種觀佛無所有 十方求覓不可得

法身示現無真實 此法寂音之所見
佛於劫海修諸行 爲滅世間癡暗惑
是故清淨最照明 此是力光心所悟
世間所有妙音聲 無有能比如來音
佛以一音徧十方 入此解脫莊嚴王
世間所有衆福力 不與如來一相等
如來福德同虛空 此念光天所觀見
三世所有無量劫 如其成敗種種相
佛一毛孔皆能現 最上雲音所了知
十方虛空可知量 佛毛孔量不可得

普應衆生悉現前

三

如是無礙不思議 妙慧天王已能悟
佛於曩世無量劫 具修廣大波羅密
勤行精進無厭怠 喜慧能知此法門
業性因緣不可思 佛爲世間皆演說
法性本淨無諸垢 此是華光之入處
汝應觀佛一毛孔 一切衆生悉在中
彼亦不來亦不去 此普見王之所了

復次知足天王得一切佛出興世圓滿教輪解脫門
喜樂海誓天王得盡虛空界清淨光明身解脫門最
勝功德幢天王得消滅世間苦淨願海解脫門寂靜

光天王得普現身說法解脫門善目天王得普淨一
切衆生界解脫門寶峰月天王得普化世間常現前
無盡藏解脫門勇健力天王得開示一切佛正覺境
界解脫門金剛妙光天王得堅固一切衆生菩提心
今不可壞解脫門星宿幢天王得一切佛出興成親
近觀察調伏衆生方便解脫門妙莊嚴天王得一念
悉知衆生心隨機應現解脫門爾時知足天王承佛
威力普觀一切知足天衆而說頌言

如來廣大徧法界 於諸衆生悉平等
普應羣情闡妙門 令入難思清淨法

佛身普現於十方 無著無礙不可取
種種色像世咸見 此喜警天之所入
如來往昔修諸行 清淨大願深如海
一切佛法皆令滿 勝德能知此方便
如來法身不思議 如影分形等法界
處處闡明一切法 寂靜光天解脫門
衆生業惑所纏覆 憍慢放逸心馳蕩
如來爲說寂靜法 善目照知心喜慶
一切世間真導師 爲救爲歸而出現
普示衆生安樂處 降月於此能深入

諸佛境界不思議 一切法界皆周徧
入於諸法到彼岸 勇慧見此生歡喜
若有衆生堪受化 聞佛功德趣菩提
令住福海常清淨 妙光於此能觀察
十方利海微塵數 一切佛所皆往集
恭敬供養聽聞法 此莊嚴幢之所見
衆生心海不思議 無任無動無依處
佛於一念皆明現 妙莊嚴天斯善了
復次時分天王得發起一切衆生善根令永離憂惱
解脫門妙光天王得普入一切境界解脫門無盡慧

功德幢天王得滅除一切患大悲輪解脫門善化端
嚴天王得了知三世一切衆生心解脫門總持大光
明天王得陀羅尼門光明憶持一切法無忘失解脫
門不思議慧天王得善入一切業自性不思議方便
解脫門輪轉天王得轉法輪成熟衆生方便解脫門
光談天王得廣大眼普觀衆生而往調伏解脫門
照天王得超出一切業障不隨魔所作解脫門普觀
衆大名稱天王得善誘誨一切諸天衆令受行心清
淨解脫門爾時分天王承佛威力普觀一切時分
天衆而說頌言

佛於無量又遠劫 已竭世間愛惱海
廣闡離塵清淨道 永耀衆生智慧燈
如來法身甚廣大 十方邊際不可得
一切方便無限量 妙光明天智能入
生老病死憂悲苦 逼迫世間無暫歇
大師哀愍普悉除 無盡慧光能覺了
佛如幻智無所礙 於三世法悉明達
普入衆生心行中 此善化天之境界
總持邊際不可得 辯才大海亦無盡
能轉清淨妙法輪 此是大光之解脫

業性廣大無窮盡 智慧覺了善開示
一切方便不思議 如是慧天之所入
轉不思議妙法輪 顯示修習菩提道
永滅一切衆生苦 此是輪轉方便地
如來真身本無二 應物隨形滿世間
衆生各現在其前 此是談天之境界
若有衆生一見佛 必使淨除諸業障
離諸魔業永無餘 光照天王所行道
一切衆會廣大海 佛在其中最威耀
普雨法雨潤衆生 此解脫門名稱入

復次釋迦因陀羅天王得憶念三世佛出通乃至剎
成壞皆明見大歡喜解脫門普稱滿音天王得能令
佛色身最清淨廣大世無能比解脫門慈目寶髻天
王得慈雲普覆解脫門寶光幢名稱天王得恒見佛
於一切世王前現種種形相威德身解脫門發生喜
樂髻天王得知一切衆生城邑宮殿從何福業生解
脫門端正念天王得開示諸佛成熟衆生事解脫門
高勝音天王得知一切世間成壞劫轉變相解脫門
成就念天王得憶念當來菩薩調伏衆生行解脫門
淨華光天王得了知一切諸天快樂因解脫門智日

眼天王得開示一切諸天子受生善根俾無癡惑解
脫門自在光明天王得開悟一切諸天衆令永斷種
種疑解脫門爾時釋迦因陀羅天王承佛威力普觀
一切三十三天衆而說頌言
我念三世一切佛 所有境界悉平等
如其國土壞與成 以佛威神皆得見
佛身廣大徧十方 妙色無比利羣生
光明照耀靡不及 此道普稱能觀見
如來方便大慈海 往劫修行極清淨
化導衆生無有邊 寶髻天王斯悟了

我念法王功德海 世中最上無與等
發生廣大歡喜心 此寶光天之解脫
佛知衆生善業海 種種勝因生大福
皆令顯現無有餘 此喜警天之所見
諸佛出現於十方 普徧一切世間中
觀衆生心示調伏 正念天王悟斯道
如來智身廣大眼 世界微塵無不見
如是普徧於十方 此雲音天之解脫
一切佛子皆提行 如來悉現毛孔中
如其無量皆具足 此念天王所明見

世間所有安樂事 一切皆由佛出生
如來功德勝無等 此解脫處華王入
若念如來少功德 乃至一念心專仰
諸惡道怖悉永除 智眼於此能深悟
寂滅法中大神通 普應羣心靡不周
所有疑惑皆令斷 此光明王之所得
復次日天子得淨光普照十方衆生盡未來劫常爲
利益解脫門光談眼天子得以一切隨類身開悟衆
生令人智慧海解脫門須彌光歡喜幢天子得爲一
切衆生王今勤修無邊淨功德解脫門淨寶月天子

得修一切苦行深心歡喜解脫門勇猛不退轉天子
得無礙光普照令一切眾生益其精爽解脫門妙華
纓光明天子得淨光普照眾生身令生歡喜信解海
解脫門最勝幢光明天子得光明普照一切世間令
成辦種種妙功德解脫門寶髻普光明天子得大悲
海現無邊境界種種色相寶解脫門光明眼天子得
淨治一切眾生眼令見法界解脫門持德天子得
發生清淨相續心令不失壞解脫門普運行光明天
子得普運日官殿照十方一切眾生令成就所作業
解脫門爾時日天子承佛威力普觀一切日天子眾

而說頌言

如來廣大智慧光	普照十方諸國土
一切眾生咸見佛	種種調伏多方便
如是色相無有邊	隨其所樂悉現身
普為世間開智海	談眼如是觀於佛
佛身無等無有比	光明照耀徧十方
起過一切最無上	如是法門歡喜得
為利世間修苦行	往來諸有無量劫
光明徧淨如虛空	寶月能知此方便
佛演妙音無障礙	普徧十方諸國土

以法滋味益羣生	勇猛能知此方便
放光明網不思議	普淨一切諸含識
悉使發生深信解	此華纓天所入門
世間所有諸光明	不及佛一毛孔光
佛光如是不思議	此勝幢光之解脫
一切諸佛法如是	悉坐菩提樹王下
令非道者任於道	寶髻光明如是見
眾生盲暗愚癡苦	佛欲令其生淨眼
是故為然智慧燈	善目於此深觀察
解脫方便自在尊	若有曾見一供養

悉使修行至於果 此是德天方便力
一法門中無量門 無量千劫如是說
所演法門廣大義 普運光天之所了
後次月天子得淨光普照法界攝化眾生解脫門華
王髻光明天子得觀察一切眾生界令普入無邊法
解脫門眾妙淨光天子得了知一切眾生心海種種
攀緣轉解脫門安樂世間心天子得與一切眾生不
可思議樂令踊躍大歡喜解脫門樹王眼光明天子
得如田家作業種芽並等隨時守護令成就解脫門
出現淨光天子得慈悲救護一切眾生令現見受苦

受樂事解脫門普遊不動光天子得能持清淨月普
觀十方解脫門星宿王自在天子得開示一切法如
幻如虛空無相無自性解脫門淨覺月天子得普為
一切眾生起大業用解脫門大威德光明天子得普
斷一切疑惑解脫門爾時月天子承佛威力普觀一
切月官殿中諸天眾會而說頌言

佛放光明徧世間	照耀十方諸國土
演不思議廣大法	永破眾生癡惑暗
境界無邊無有盡	於無量劫常開導
種種自在化羣生	華髻如是觀於佛

眾生心海念念殊	佛智寬廣悉了知
普為說法令歡喜	此妙光明之解脫
眾生無有聖安樂	沉迷惡道受諸苦
如來示彼法性門	安樂思惟如是見
如來希有大慈悲	為利眾生入諸有
說法勸善令成就	此目光天所了知
世尊開闢法光明	分別世間諸業性
善惡所行無失壞	淨光見此生歡喜
佛為一切福所依	譬如大地持官室
巧示離憂安隱道	不動能知此方便

智火大明周法界 現形無數等眾生
普為一切開真實 星宿王天悟斯道
佛如虛空無自性 為利眾生現世間
相好莊嚴如影像 淨覺天王如是見
佛身毛孔普演音 法雲覆世悉無餘
聽聞莫不生歡喜 如是解脫光天倍
方廣佛華嚴經綱要卷第二終